

Comunu de Barrali
Provìncia de su Sud Sardigna

Statutu Comunali

Deliberatzioni de su Consillu Comunali n. 31 de su 28.12.2000.

ARTÌCULU 1

PRINCÌPIUS FONDAMENTALIS

1. Sa Comunità de Barrali est enti autònumu locali ca tenit rapresentatividadì generali segundu is princìpius de sa Costituzioni e de sa lei generali de su Statu.
2. S'autogovernu de sa comunità si fait cun is poteris e is istitutus naraus in custu Statutu.
3. In s'atividadì de su Comunu est garantèssia puru a sa lingua sarda dignidadì sociali paris a cussa prevìdia po sa lingua Italiana, e a is Citadinus est permìtiu scesì a chistionai in Lìngua Sarda in is raportus cun s'Enti Comuni e cun is Istituzionis Localis.

ARTÌCULU 2

FINALIDADIS

1. Su Comunu promovit su sviluppu e su progressu civili, e econòmicu de sa comunità sua castiendu a is valoris e a is obietivus de sa Costituzioni.
2. Su Comunu circat sa collaboratzioni e sa cooperatzioni cun totus is sogetus pùblicos e privaus e promovit sa partecipatzioni de is citadinus, de is fortzas socialis, econòmicas e sindacalis a s'amministratzioni.
3. Sa sfera de governu de su Comunu est fata de s'àmbitu territoriali de is interessus.
4. Su Comunu ispirat s'atzioni sua a is crìterius e princìpius chi s'aghint:
 - a) su superai is scuilibrus econòmicus, socialis e territorialis chi ci funt in s'àmbitu suu e in sa comunità natzionali;
 - b) sa promotzioni de sa funtzioni sociali de s'iniziativa econòmica, pùbblica e privada, puru po mèdiu de su sviluppu de formas de associatzionismu econòmicu e de cooperatzioni;
 - c) s'agìudu a fai unu sistema globali e integrau de siguresa sociali e de tutela ativa de sa persona puru cun s'atividadì de is organizatzionis de volontariu;

- d) sa tutela e su sviluppu de is risorsas naturalis, ambientalis, stòricas e culturalis ca ci funt in su territòriu cosa sua po garantèssiri a sa colletividadì una calidadì prus bella de sa vida;
- e) sa promotzioni sportiva de fai po mèdiu de servìtziu po su sport a partiri de is impiantus e de sa tutela sanitària;
- f) sa partecipazioni de is sociedades sportivas localis a sa programmatzioni e a sa gestioni de is servìtzius po su sport ant a èssiri chistioni de unu arregulamentu a posta.

ARTÌCULU 3

PROGRAMMATZIONI E FORMAS DE COOPERATZIONI

1. Su Comunu fait is finalidadis suas sighendu su mètudu e is strumentus de sa programmatzioni.
2. Su Comunu agiudat a sa determinazioni de is obietivus chi funt in is programmas de su Stadu, de sa Regioni e de sa Provìncia cun s'agiudu de is formatziones socialis, econòmicas, sindacalis e culturalis ca traballant in su territòriu cosa sua.
3. Is raportus cun is àterus Comunas, cun sa Provìncia e sa Regioni funt informaus a is princìpius de cooperazioni, ecuiordinazioni, complementariedadi e sussidiariedadi intra is sferas difarentis de autonomia.